



17 de marzo de 2008. Os pasados días 15 e 16 de marzo, ADEGA participou no **I Foro Ibérico contra os Transxénicos**

, celebrado en Bilbo e organizado por

[EHNE](#)

. Intervimnos nun dos 5 obradoiros -o de lexislación- do foro, con representantes galegos/as nos outros 4. Logo dun intenso debate no que ADEGA, xunta con organizacións catalás e bascas, demandabamos máis

atención aos territorios

con competencias plenas fronte a visións estatualistas, acadouse un consenso de mínimos canto ás accións legais.

[Resolucións FORO](#)



Haberá pois dous **planos de actuación** complementares: o estatal, centrado arredor dunha solicitude de **moratoria** através da cláusula de

salvagarda para o millo MON 810; e o local, apoiando as

ILPs

e as declaracións de zonas libres que están en marcha en Catalunya, Euskadi e próximamente Galiza.

O estado español e Portugal son o sumidoiro xenético de Europa. En

España

, seméntase comercialmente millo transxénico (fundamentalmente o MON 810 e as súas variedades) de xeito que o pasado ano foron máis de

70.000 Has

as cultivadas con OXM. Pola súa banda, en

Portugal

están en cultivo

4.000 Ha

de millo transxénico, sobre todo do Douro para abaixo, e o estado portugués aprobou no 2005

unha Lei de Coexistenza que na práctica, abre a porta ao cultivo masivo de OXMs.

En

Euskadi

, son numerosas as explotacións, concellos e mesmo o goberno basco que subscribiron declaracións territoriais de

"zona libre de transxénicos"

.

En **Catalunya**, e logo duns anos de loita activa no que o movemento anti-transxénicos foi criminalizado, decidiron virar en positivo a campaña e están a recoller sinaturas para promover unha **ILP** ([Som lo que Sembrem](#)) que tire aos transxénicos dos campos e das cestas da compra. Para ADEGA, membro da

recén criada

[Plataforma](#)

[Galega Anti-transxénicos](#)

, resulta fundamental aprender destas experiencias para desenvolver con eficacia un traballo de

información-denuncia-mobilización

cara a declarar Galiza territorio libre de transxénicos, mesmo através dunha ILP.

Concordamos en solicitar unha

moratoria estatal

, xa que debe ser o goberno español quen active a cláusula de salvagarda para cada variedade (comenzando polo MON 810), mais non é menos importante aproveitar as

competencias lexislativas

dos territorios para irles "segando" o apoio xurídico aos transxénicos dende os concellos e sobre todo dende as comunidades con competencias plenas, quer Galiza, Euskadi e Catalunya.

As

campañas de información e sensibilización

funcionan millor a nivel local, contando coas asociacións de produtores/as e consumidores/as que, centradas na realidade máis inmediata, son a base para lexitimar as propostas que trasladaremos ás distintas administracións.

